

光緒台州府志

人物傳四 名臣四

明三

石簡

曾銑

何贊

趙大佑 弟大成孚

王宗沐 高祖從子士崧

士琦士

李一瀚

吳時來

何寬

王亮

盧明諷

王萬祚

吳執御

光緒台州府志 卷

人物傳四 名臣四 目錄 一

台州旅杭同鄉會刷印

光緒台州府志

黃巖王舟瑤纂

人物傳四 名臣四

黃巖王佩瑤校

明三

石簡字廉伯

兩浙名賢錄

號玉溪寧海人

康熙志

父文彬官羅田訓導

嘗遣簡從王守仁遊

續台攷

敦尚實行不務口語

康熙志

嘉靖二年

成進士授餘干知縣

名賢錄

清慎公勤百廢俱舉以不諂事上官

去之日有僉事某銜之以峻法鞠庫役欲以中簡役引刃自刎

不忍媒簡陞南京武選主事

康熙志

轉刑部郎中改南京文選郎

中

名賢錄

值攷察不徇權勢

康熙志

十一年出知高州府高當猺賊

焚掠之餘

廣東通志宜續錄引獻徵錄

簡銳意撫摩興學省歛一郡大治

康熙

光緒台州府志 卷

人物傳四名臣四

台州旅杭同鄉會刷印

志民得蘇息戴之如父母

廣東通志

以才調安慶塗遇盜發其囊橐

如洗盜嘖嘖去安慶七省衝民苦供需簡爲均賦役節冗費歲

省銀四萬兩刊爲令

名賢錄

陞雲南兵備副使接壤安南民苦山

賊簡以計生擒二百餘人斬首無算一方以寧

徵獻錄

歷右參政

續台攷

轉湖廣按察使陞貴州左布政五溪蠻四出劫掠攻剿勿

克撫按以簡威望檄委招撫遂單騎往諭以禍福悉降以病乞

歸久之薦補山東左布政晉雲南巡撫

名賢錄

沅江那鑑叛督兵

討之鑑詐降右布政徐樾入其境被害遂坐罷

續台攷

簡忠信剛

介一介不苟所得俸餘悉周親黨囊無餘藏嘗營一室弗克落

成卒之日幾不能具棺殮

名賢錄

世宗嘗書於御殿曰天下清官

王鈞石簡又有謠曰天下清官石簡何寬著有石氏家藏稿

續台

攷子承芳自有傳

曾銑字子重

明史本傳

號石塘黃巖人

秦鳴夏送序

父某賈而貧與江都

商者善銑年十二丰神俊異命題即能警對商與其父曰此子

後必大貴其父遂以銑託攜歸延師課之

康熙志

故占江都籍

三關

志自爲諸生以才自豪嘉靖八年成進士授長樂知縣徵爲御

史巡按遼東遼陽兵變執辱都御史呂經銑時按金復急檄副

總兵李鑑罷經苛急事爲亂軍乞赦經罷趨廣寧悍卒于蠻兒

等復執辱經其月撫順卒亦縛指揮劉雄父子會朝廷遣侍郎

林庭楫往勘亂卒懼遼陽倡首者劉剿兒潛詣廣寧與蠻兒合

光緒台州府志

卷

人物傳四

二

台州旅杭同鄉會刷印

謀欲俟鎮城官拜表集衆亂爲總兵官劉淮所覺計不行復結
死囚欲俟庭楫至閉城門爲變而銑已刺得二城及撫順爲惡
者姓名密授諸將剿兒等數十人同日捕獲銑上言往者甘肅
大同軍變處之過輕羣小謂辱命臣殺主帥罪不過此遂相率
爲亂今首惡宜急誅乃召還庭楫命銑勘實悉斬諸首罪懸首
邊城全遼大定擢銑大理寺丞遷右僉都御史巡撫山東

史賊傳

劉儀聚魚臺之獨山立剿平之時議增州縣民壯銑言民貧不
堪重役請以招集義勇編入均徭免其雜役報可

續台攷

俺答數

入內地銑請築臨清外城工畢進副都御史居三年改撫山西

史傳大修邊牆添製火器敵攻浮圖谷銑率兵平刑以堵西突敵

入鵠鵠谷銑直趨廣寧以防北衝

浙江通志引名山藏

經歲寇不犯邊朝

廷以爲功進兵部侍郎巡撫如故二十五年夏以原官總督陝西三邊軍務寇十萬餘騎由寧塞營入大掠延安慶陽境銑率兵數千駐塞門而遣前參將李珍搗寇巢於馬梁山陰斬首百餘級寇聞之始遁

史傳

而銑不以捷聞及御史勘奏

續台

寶銀幣

旣而寇屢入游擊高極死焉副總兵蕭漢敗績銑疏諸將罪治如律時套寇牧近塞零騎往來居民不敢樵採銑方築塞慮爲所擾乃選銳卒擊之寇稍北間以輕騎入掠銑復率諸軍驅之遠徙參將李珍及韓欽功爲多詔增銑俸一級賜銀幣有加銑素喜功名又感帝知遇益圖所報稱念寇居河套久爲中國患

光緒台州府志

卷

物傳四卷四

三

台州旅杭同鄉會刷印

上疏曰賊居河套擾邊鄙將百年孝宗欲復而不能武宗欲征而不果使吉囊據爲巢穴出套則寇宣大三關以震畿輔入套則寇延寧甘固以擾關中深山大川勢顧在敵而不在我封疆之臣曾無以收復爲陛下言者蓋軍興重務也小有挫失媒孽踵至鼎鑊刀鋸而背森然臣非不知兵凶戰危而枕戈汗馬切齒痛心有日矣竊嘗計之秋高馬肥弓矢勁利彼聚而攻我散而守則彼勝冬深水枯馬無宿藁春寒陰雨壤無燥土彼勢漸弱我乘其弊則中國勝臣請以銳卒六萬益以山東鎗手二千每當春夏交攜五十日餉水陸交進直搗其巢材官騶發礮火雷激則寇不能支此一勞永逸之策萬世社稷所賴也遂條八

議以進是時銑與延寧撫臣欲西自定邊營東至黃甫川一千五百里築邊牆禦寇請帑金數十萬期三年畢功疏並下兵部部臣難之請令諸鎮文武將吏協議詔報曰賊居套爲中國患久矣朕宵旰念之邊臣無分主憂者今銑倡恢復議甚壯其令銑與諸鎮臣悉心上方略予修邊費二十萬銑乃益銳而諸巡撫延綏張問行陝西謝蘭寧夏王邦瑞及巡按御史盛唐以爲難久不會奏銑怒疏請於帝帝爲責讓諸巡撫會問行已罷楊守議代之意與銑同銑遂合諸臣條上方略十八事已又獻營陣八圖並優旨下廷議廷臣見上意向銑一如銑言史傳於是領兵入套斬獲千計敵多移營渡河名山藏帝忽出手詔諭輔臣曰

光緒台州府志

卷

人物傳四

四

台州旅杭同鄉會刷印

今逐套賊師果有名否食果有餘成功可必否一銑何足言如生民荼毒何初銑建議時輔臣夏言欲倚以成大功主之甚力及是大駭請帝自裁斷帝命刊手詔徧給與議諸臣時嚴嵩方與言有隙欲因以傾言乃極言套必不可復陰詆言故引罪乞罷以激帝怒旋復顯攻言謂向擬旨褒銑臣皆不與聞兵部尙書王以旂會廷臣覆奏遂盡反前說言套不可復帝乃遣官逮銑出以旂代之責科道官不言悉杖於廷停俸四月帝雖怒銑然無意殺之也咸寧侯仇鸞鎮甘肅時以阻撓爲銑所劾逮問嵩故雅親鸞知銑所善江都人蘇綱者言繼妻父綱與銑言嘗交關傳語乃代鸞獄中草疏誣銑掩敗不奏尅軍餉鉅萬遣子

淳屬所親蘇綱賂當途其言絕無左驗而帝深入其說立下淳
綱詔獄給事中齊譽等見帝怒銑甚請早正刑章帝責譽黨奸
避事鐫級調外任及銑至法司比擬邊帥失陷城砦者律帝必
欲依正條當銑交結近侍律斬妻子流二千里即日行刑史傳臨
刑慷慨賦詩顏色不變續台有袁公本爲百年計晁錯翻罹七
國危之句詩錄銑既死言亦坐斬而鸞出獄銑有膽略長於用
兵歲除夜猝命諸將出時塞上無警諸將方置酒不欲行賂鈴
卒求緩於銑妾銑斬鈴卒以徇諸將不得已丙夜披甲行果遇
寇擊敗之翼日入賀畢前請故銑笑曰見烏鵲非時噪故知之
耳皆大服史傳嘗積疎孔竹簍數千人不知其用一日報賊至度

光緒台州府志

卷

人物傳四

五

台州旅杭同鄉會刷印

其暮至某河悉令沈之伏兵其旁賊至渡河馬足悉陷孔中伏
兵擊之因大勝又製慢礮圓如斗中藏機巧火線至一二時纔
發外以五彩飾之敵拾得者輒聚觀須臾藥發死傷甚夥又製
地雷穴地丈許櫃藥於中覆以沙石伏火可經月密繫其機於
地面過者觸機則火動藥發飛石殺人兵略銑廉既歿家無餘
貲史傳天下悲之銑幕下玉環者回回種也虬髯鐵面銑既被逮
以小車載銑妻與二幼子從間道歸日具湯粥夜則露宿間關
數千里不懈酬之不顧去諸部將皆被拷掠而李珍尤慘毒比
死不肯以賊累銑子天下更義兩人而見銑之能得士焉續台
隆慶初給給事辛自修御史王好問訟銑志在立功身罹重辟

識與不識痛悼至今詔贈兵部尚書諡襄愍萬歷中從御史周

磐請建祠陝西史傳

何贊字堯卿號瑞山黃巖人少穎異慕司馬光范仲淹之爲人

書其略於讀書之室以自勵嘉靖十一年成進士授行人奉使

閩浙恆餽外無所受十五年擢監察御史金賁亨撰墓表即上疏劾戶

部尚書某輸邊失策康熙志京師及山陝荒疏請振恤所全活甚

衆值星變詔求遺逸表贊舉何塘應大猷唐順之金賁亨余盾

緒趙淵李源諸人以應原疏或謂大猷賁亨淵皆台人盡避諸贊

曰昔人有薦其弟薦其姪不避者我獨蔽賢哉十七年督理河

東鹽政解池鹵源久齋公私告病贊齋沐率所部以禱數日凝

光緒台州府志卷

人物傳四 名臣四

六

台州旅杭同鄉會刷印

溢如初裴晉公後居聞喜不能自振贊訪諸生中得數人令學

官育而教之復置田給其家吉囊俺答據河套嘗爲中國憂贊

陳三策請豫處表一日計以破之一日勢以走之而其要在於

久任撫臣以責成效興復屯法以裕邊儲續台章屢上未行而

患作墓表當路服其先見巡歷期滿所司循故事康熙志以美鑑進

斥去之中丞王廷相聞之歎曰真御史也十九年巡按廣西適

大比一時號得人安南勿靖以督餉功賜金幣進俸二級錫宴

梧州金銀寶皿盈席受者率以爲常贊牒發郡藏一無所取疏

請慎用兵以回天變選良將以保疆圉增科額舉俊良効庸鄙

封事疊進悉中機宜帝建大祀殿於南郊命贊董其役察勞警

情墓表踰年而工成適資滿九載例得遷卿佐以嚴嵩嘗屬薦其

所親不從銜之康熙志轉福建按察副使巡歷山郡不避瘴毒僅

四月以疾卒年六十墓表贊天性孝友母病侍湯藥衣不解帶者

期月丁內外艱哀毀執禮既釋服猶足跡不及公庭所得俸輒

分其弟及宗族故舊之貧者康熙志田園邸舍未嘗以宦益士論

謂其有隨事納約利無不言之忠有臨財揆義終始不渝之介

有薦賢忘己無所避忌之公有景行先哲欲爲未竟之志何維

柏亦言贊心事如青天白日無所蔭翳才識如龍驤虎躍不可

弔羈識者以是概其生平墓表所著有疏義瑞山稿康熙志

趙大佑字世墮號方厓太平人祖崇聲知廣德州有善政祀名

光緒台州府志卷

人物傳四卷四

七

台州旅杭同鄉會刷印

宦鄉賢祠大佑生有奇質爲崇賢所鍾愛每曰大吾門者此子

也吳時來撰行狀嘉靖十四年成進士爲鳳陽府推官有聲召拜廣東

道御史巡按貴州宣慰安萬銓不法大佑械其黨指揮張仁李

木斃諸獄巡撫劉某納銓賄使僞授甲而移文諸司指仁木之

死爲召讞以脅之大佑笑語人曰人臣苟利社稷死生以之吾

何愛一身哉遣吏按銓反狀銓知不可撼乃囚服出就理酉陽

永順苗相攻殺有司招之不服貴州與湖廣隣大佑檄界上嚴

備奏請合兵剿之且劾湖撫陸杰罔上養寇之罪二省以璽比

還條上八事曰興學校設哨堡禁侵漁杜騷擾省刑罰備邊儲

均徭役厚流民詔下貴州編諸令甲疏薦前都御史王廷相才

節可用且言明君之用才譬之大匠之用木大匠不以寸朽廢
合抱之木明君不以一眚遺濟世之器詔復以廷相爲都御史
又論時宰翟鑾不當私所好引故尙書王瑋封周雍期侍郎費
案三人相繼罷黜徐階撰墓表攷滿陞南京大理寺丞三十二年陞
大理少卿遷都察院右僉都御史三十五年陞副都御史三十
七年陞刑部侍郎狀行奉命勘伊庶人嚴嵩屬大佑寬之至則盡
發其僭擬及事之違祖制者嵩怒甚墓銘故事在京軍民訟俱投
牒通政司送法司問勘諸司有應鞠者亦參送法司無自決遣
者後諸司不復遵守大佑與尙書鄭曉侍郎傅頤守故事與巡
按御史鄭存仁爭章俱下都察院會刑部平議嚴嵩激帝怒落

光緒台州府志

卷

人物傳四十四

八

台州旅杭同鄉會印刷

曉職大佑及傅頤皆貶二秩

明史鄭曉傳

四十年出爲南京右都御

史明年擢刑部尙書齊庶人殺其僕以誣儒生陸某陸故富室
法曹畏勢引嫌莫敢斷大佑毅然出之劾兵馬胡光弼褫其官
請勅吏部歲一攷諸兵馬以懲貪者閩人馬廣坐法當刑或以
巨璫意丐緩死大佑竟奏棄市有冤獄逮繫數年歎曰死重辟
也法官固知其冤不爲白乎遂以疑讞四十四年滿攷乞終養
歸晨夕侍親側足迹不入城府暇輒讀書如儒生創大小宗祠
數周其族之貧者至節衣縮食不少靳墓銘隆慶改元詔起原官
尋改南京兵部尙書參贊機務以父母並年八十懇辭終養再
請得允踰年卒於家年五十九大佑剛直耿介外若和易而實

不可以私干樂善好義

狀行

爲鄉先生林鶚請謚於朝校梓天台

夏鏞遺集且卹其孫

墓銘

所爲詩和平朗爽有朱紘疏越之音

世王

貞燕石集序

又善作大字有晉人風骨著有燕石集弟大倫大佑皆

舉人

狀行

大佑字世伏號韋所官瀘州知州著有佩韋集

三台詩錄傳

子成安右軍都督府都事成孚舉人

狀行

官至慶遠知府

康熙志

謹

敏而文有父風

王世貞燕石集序

王宗沐字新甫

明史本傳

號敬所

康熙志

臨海人

史傳

高祖穩以舉人官

知府有惠政

康熙志

自有傳宗沐幼敏異爲中允秦鳴夏所器字

以女嘉靖二十二年宗沐方弱冠舉於鄉明年登鳴夏弟鳴雷

榜進士遂館甥焉

續台致

授刑部主事與同官李攀龍王世貞輩

光緒台州府志

卷

人物傳四名臣四

九

台州旅杭同鄉會刷印

以詩文相友善宗沐尤習吏治

史傳

薊州巨盜七人就擒首一人

忽亡去餘因不服奉旨切責宗沐令隸敝衣伏階左召六人叱

之曰某已被獲更何辨邪遂皆吐實由員外陞廣西按察僉事

督學政

康熙志

視事三日召諸生升堂與語冲容緩節人皆聳聽

廣西通志宣續錄引文集

修宣成書院建崇迪堂聘經師教育多士又請建

田州學九年陞廣東參議分守惠潮正統改元

康熙志

轉江西提

學副使

史傳

葺王守仁祠建正學懷玉兩書院萃諸生肄業躬自

督課修白鹿洞與給事中吳國倫會講一時質疑問難者三百

餘人四年陞參政明年轉按察使

康熙志

作江西大志爲目凡七

日賦書曰均書曰藩書曰漑書曰實書曰險書曰陶書至今奉

以爲準

江西通志

景藩之國道出豫章巨璫索縲夫千餘急無以應

宗沐陽陷以夫值陰僱衛卒數百人急挽王舟先行風利從者

不敢遲遂盡去省費不貲六年陞右布政使值福建流賊陷永

豐宗沐部兵往擊盡殲之陞山西左布政七年入覲因晉飢侵

康熙志

上疏曰山西列郡俱荒太原尤甚三年於茲百餘里不聞

鷄聲父子夫婦互易一飽命曰人市宗祿八十五萬累歲缺支

饑疫死者幾二百人夫山西京師右掖自故關出真定自忻代

出紫荆皆不過三日宣大之糧雖派各郡而運本邑者皆在太

原饑民一聚蹂踐劫奪歲供宣大兩鎮六十七萬餉誰爲之辦

此可深念者一也四方奏水旱者以十分上部議常裁而爲三

光緒台州府志

卷

人物傳四 名臣四

十

台州旅杭同鄉會刷印

所免不過存留者而已今山西所謂存留者二鎮三關之輸也
存留乃反急於起運是山西終不蒙分毫之寬此可深念者二
也開疆萬山之中巖阻巉絕太原民不得至澤潞安望就食他
所獨真定稍可通然背負車運率二斗而致一斗甫至壽陽則
價已三倍矣是可深念者三也饑民相聚爲盜招之不可勢必
撲殺少則支庫金大則請內帑與其發帑以賞殺盜之人孰若
發帑使不爲盜此可深念者四也近邱富往來誘惑邊民妄傳
募人耕田不取租稅愚民何知急不暇澤長邊八百餘里誰要
之者彼誘而衆我逃而虛此可深念者五也因請緩征逋賦留
河東新增鹽課以給宗祿

史傳

獲譴調廣西右布政乞休不允過

衡州建會靈精舍於南岳兜率峰中仿朱子張栻講學故事未

幾以父病告歸修宋元資治通鑑及十八史略隆慶改元父憂

服除薦起山東左布政編東省經制全書清各鋪行稅額

康熙志

五年給事中李貴和請開膠萊河宗沐以其功難成不足濟運

遺書中朝止之

史傳

條議海運十二利以爲洪武永樂時常行之

東撫梁夢龍採其法用米四千石自淮試運竟抵天津遂上其

議於朝適總漕缺

康熙志

拜宗沐右副都御史總督漕運兼巡撫

鳳陽極陳運軍之苦請亟優恤

史傳

先是京師歲仰給東南漕米

四百萬斛近運路不通積弊叢起是年舟壞者八百九十餘艘

溺米二十四萬餘石宗沐至飭法振弊首申全單之規凡某帮

光緒台州府志

卷

人物傳四

十一

台州旅杭同鄉會刷印

運某州縣米悉由漕司派定每帮各給一紙悉革陋規又水次
兌米以二月爲常過淮正值水漲乃更定限於十月兌米正月
過淮至五月而畢且嚴保甲選旗丁飭捏漂盜賣官旗遵法用
命萬艘齊發無有後期自淮安至清江開延袤數千里爲築雙
堤壯若城墉西增高家舊堰以遏橫潰東濬澗河以洩霖積每
大水漲溢隄以內民廬安堵隄以外移巢隄上淮人德之爲立
生祠名其隄曰王公隄

康熙志

又以河決無常運道終梗欲復海

運上疏曰自會通河開濬以來海道不講已久臣近官山東嘗

條斯議巡撫都御史梁夢龍毅然試之底績無壅而慮者輒苦

風波夫東南之海天下衆水之委也茫渺無山趨避靡所近南

水暖蛟龍窟宅故元人海運多驚以其起自太倉嘉定而北也若自淮安而東引登萊以泊天津是謂北海中多島嶼可以避風又其地高而多石蛟龍有往來而無窟宅故登州有海市以石氣與水氣相搏映石而成石氣能達於水面以石去水近故也北海之淺是其明驗可以佐運河之窮計無便於此者因條上便宜七事明年三月遂運米十二萬石自淮入海五月抵天津叙功與夢龍俱進秩賜金幣而南京給事中張煥言比聞八舟漂沒失米三千二百石宗沐預計有此私令人糴補夫米可補人命可補乎宗沐掩飾視聽非大臣誼宗沐疏辨求勘詔行前議習海道以備緩急未幾海運至即墨颶風大作覆七舟都

光緒台州府志

卷

人物傳四

十一

台州旅杭同鄉會刷印

給事中賈三近御史鮑希顏及山東巡撫傅希摯俱言不便遂寢時萬歷元年也宗沐以徐邳俗獷悍多姦猾濱海鹽徒出沒六安霍山礦賊竊發奏設守將又召豪俠巨室三百餘人充義勇責令捕盜後多以功給冠帶遷南京刑部右侍郎召改工部尋進刑部左侍郎奉勅閱視宣大山西諸鎮邊務史傳上三鎮圖說丁母憂賜內帑三百緡佐葬時張居正擅權御史劉臺疏論獲罪下刑部獄宗沐爰書調護居正怨之九年計察嗾言官拾遺疏中以他事居正敗南北交章薦不起家居十年卒年六十有九康熙志贈刑部尚書天啟初追諡襄裕史傳宗沐師事泰和歐陽德其論學謂佛氏專於內俗學馳於外聖人則合內外而一

之明儒案著有宋元資治通鑑六十四卷明史藝文志十八史略康熙志

江西大志八卷海運志二卷明史藝文志海運詳攷一卷千頃堂書目巡

視三邊紀略續台攷櫻窗語錄康熙志敬所文集三十卷奏議四卷

明史藝文志祀鄉賢祠康熙志子士崧士琦士昌從子士性史傳

士崧字中叔號禹陽萬歷十一年與仲弟士琦同成進士出守光州光故饒而歲祲民逃野蕪不治士崧課農桑禁遊惰期年而民復業夏旱宿齋壇三日雨大降興文教厚餼供斷獄察奸一時稱神君陞工部員外郎董工山陵聞父訃哀痛不欲生諸貴人來唁者悉不報會大計有中之者服除補鎮江通判署丹陽江陰悉有聲二十五年陞刑部主事明年卒於官年五十著

光緒台州府志 卷

人物傳四 名臣四

十二

台州旅杭同鄉會刷印

有支離吏隱浮弋等稿祀鄉賢祠無子以弟士琦仲子立程爲後立程字我猷康熙志一字伯度少有文名萬歷十九年舉人官

鉅鹿教諭著有析醒草康熙志

士琦字圭叔浙江通志引號豐輿其父夢韓魏公而生故名康熙志

志由進士授南京工部主事歷兵部郎中按治驕兵不畏強禦人以邊才許之周傳萬歷十八年出守福州二十年丁外憂服闋

入都康熙志會播州宣慰司楊應龍反以邢玠總督四川特補士

琦重慶知府至即受檄往綦江趣應龍至安穩聽勘應龍觀望

不前士琦徑至安穩周傳應龍使弟兆龍至安穩治郵舍儲糒叩

頭郊迎致餼率如禮言應龍縛渠魁待罪松坎所不敢至安穩

者恐墮安穩仇民不測禍也幸請至松坎受事

明史四川土司傳

松坎

者更入三日程也

續台人

咸謂毋輕蹈不測士琦曰彼以我爲

怯也

周傳

松坎亦曩奏勘地即單騎往

史傳

見應龍責以大義開陳

利害應龍率苗目膝行抱土琦足泣因諭令至安穩應龍如命

面縛蒲伏

周傳

獻黃元等十二人案驗抵應龍斬論贖輸銀四萬

金助採木以子朝棟代次子可棟羈府追贖黃元等斬重慶市

總督以聞可其奏於松坎設同知以士琦爲川東兵備副使彈

治之

史傳

賜銀幣

康熙志

屬倭寇朝鮮復以邢玠爲經略晉士琦山

東參政與總兵劉綎將苗兵二萬自蜀趨王京時倭據東西中

三路西路酋行長據栗林曳橋最雄險玠使綎將陸兵陳璘將

光緒台州府志卷

人物傳四名臣四

十四

台州旅杭同鄉會刷印

水兵攻西路士奇兼監其軍

周傳

中途聞裨將楊元喪師喧傳倭

且至人情震恐咸勸暫歸全州士琦不聽

康熙志

促陸師前進至

栗林攻圍十餘日賊求救於別西平義智士琦恐二酋合勢巨

測乃令水師解圍伺於海陸師急攻奪曳橋斬首數百級乘勝

入城行長遁入海平義智與中路酋石曼子來救璘半洋邀擊

燬倭船數百殺石曼子

周傳

先是朝鮮臣鄭六同陷賊平義智親

信之預奉士琦約爲內應方戰六同急焚火藥應我軍賊是以

大敗行長乘小艇泊露梁參將季金復擊之倭幾盡

康熙志

行長

僅以身免會關白平秀吉死三路倭遁朝鮮事平論功陞河南

左布政使

周傳

以老母乞休不許尋以應龍復叛回里聽勘五年

部覆鑄一級補湖廣參政以薦陞臬司屬邊酋順義王扯力克歿卜失兔以長孫嗣封而素囊阻之遣官賫封不受朝議陞土琦山西右布政兼副使分巡冀北土琦至雲中即移駐弘賜堡召諸酋畢集初猶祈請無厭土琦撫諭折服於是卜素二酋各遣使請封期至日制撫臨馬市樓上觀素囊卜失兔先後至各擁騎數萬蔽充原野土琦親出賜宴諸酋長爭以駱酒爲壽鵝黃兒酋中最頡者復前致詞縷縷世爲不侵不畔之臣土琦各爲滿飲諸酋歡甚龍亭出適諸頭目跪伏以手頂敕成禮而去時封事七年不決茲功成反掌且竣速費省咸謂自俺答以來所未有也浹歲貢復不至土琦宣言梁築暗門絕市密令總兵

光緒台州府志

卷

人物傳四名臣四

十五

台州旅杭同鄉會刷印

王威出臨邊酋大恐遂復進表納貢惟謹土琦親往市口受之叙功晉左布政使仍備兵冀北四十四年攷滿擢右副都御史巡撫大同土琦在雲中久威素著旣膺節鉞諸酋長咸相戒無犯嘗緝三雲籌俎攷一曰安襄二曰封貢三曰軍實四曰險要行邊值大雪爲風濕所中請骸骨得旨調撫江南適卜酋貢馬至懇少留近地需之駐渾源感疾卒年六十有八訃聞賜祭葬

康熙志

土琦天性孝接下謙抑不可以非道干歿之曰帑無長物

旅櫬蕭然祀鄉賢祠子立程字伯度少有文名萬歷十九年舉

人著有析醒草立準字伯繩號應寰

康熙縣志

崇禎六年由選貢官

平和知縣至即以計擒李白虎湯狩狼等寇以大歇嶺奸宄出

沒設五隘防守剽略之患以息建王文成祠梓其遺集民有感

白蓮教者立準禁止之士民配祀文成祠漳州府志陞連州知州剿

平獠獠民賴以安康熙縣志

士昌字永叔號斗溟幼善病年十五始治春秋十九舉順天鄉

試萬歷十四年成進士康熙志授潛山知縣調龍溪以敏練聞續台

攷擢兵科給事中寇犯固原甘肅方議諸將罪而延緩兩以捷

聞兵部請告廟宣捷士昌奏止之改禮科礦稅興疏言近日御

題黃蠹遍布關津聖旨朱牌委褻葭屋遂使三家之村雞犬悉

盡五都之士絲粟皆空且稅以店名無異北齊之市肆官從內

遣何啻西苑之斜封不報二十九年帝將册立東宮而故緩其

光緒台州府志

卷

人物傳四

十六

台州旅杭同鄉會刷印

期士昌偕同官楊天民極諫謫貴州鎮遠典史屢遷大理右丞

署事與張問達共定張差獄明史王宗沐傳主事王之榮疏未下士昌

與姚永濟及署禮部侍郎何宗彥連上疏趣之明紀神宗紀旋進右

少卿擢右僉都御史巡撫福建史傳會海警告急康熙志士昌飭戎

經武諸懷奸藏慝以次擒薙劇寇裘進李忠輩輸誠効順餘黨

數千悉解散大憝就平而不廢斗糧半鏃功尤偉異福建通志

以天變求直言疏侵當軸罷歸天啟四年卒年六十六著有

垣摘疏鏡園草康熙志斗溟集郭石齋筆記士昌善山水得黃大癡筆

意又工水墨折枝畫史要會祀鄉賢祠康熙志

士性字恆叔明史王宗沐傳號太初康熙志祖閭字子樂諸生爲文似蘇